




საშურის მოახბე



№25 (276)

5 ოქტომბერი, ორშაბათი, 2020 წელი

- კორონავირუსი -

დავით ჩიქოვანი: საშურის „კოვიდ-19“-ის სამი დადასტურებული შემთხვევა გვაქვს

თითქმის 8 თვეა მთელი მსოფლიო გლობალურ გამოწვევას ებრძვის – ვირუსს, რომელიც „კორონას“ სახელით მოეწოდება ჩვენს პლანეტას და უკვე მილიონზე მეტი ადამიანის სიცოცხლე შეიწირა, დაინფიცირებულები კი ათეულობით მილიონს ითვლის. ვირუსმა ჩვენი ცხოვრების ყველა სფეროს დაატყუა ხელი და, შეიძლება ითქვას, ცხოვრების სრულიად განსხვავებულ „სტილს“ დაუდო სათავე. საქართველო პანდემიის პირველ ტალღას ღირსეულად გაუმკლავდა და გადაამტკებინა გარეშე, მთავრობისა და მედიცინის მუშაკთა ერთობლივი მუშაობა მთელ მსოფლიოში სამაგალითო გახდა. სამწუხაროდ, აგვისტოს დასაწყისიდან, პანდემიამ ახალი ძალით იფეთქა და დღეისთვის საქართველოში უკვე ასულობით დადასტურებული შემთხვევა ფიქსირდება. ჩვენი მუნიციპალიტეტი მთელი რვა თვის განმავლობაში ე.წ. „მწვანე ზონად“ რჩებოდა, თუ არ ჩავთვლით ხიდისყურში დაფიქსირებულ (ზაფხულის პერიოდში) ერთადერთ შემთხვევას. თუმცა, სავალალოდ, სექტემბრის ბოლოს ვირუსმა უფრო მძლავრად შემოუტია ჩვენს მუნიციპალიტეტს. რა მდგომარეობაა დღეისათვის ამ მხრივ, ამ კითხვას ჯანდაცვის მუნიციპალური სამსახურის დირექტორი დავით ჩიქოვანი პასუხობს:

– დღეისათვის ჩვენს მუნიციპალიტეტში ვირუსის სამი დადასტურებული შემთხვევაა. (ინტერვიუ 2 ოქტომბერსა ჩაწერილი) – აქედან ერთი საზღვარგარეთის ისტორიის, ორი კი ე.წ. „კასპის კლასტერია“, კონკრეტული ლოკაცია კი ასეთია: მიწობი, ოსიაური, საშური.

აღსანიშნავია, რომ სამივეს უსიმპტომო გამოვლინება ჰქონდა. საზღვარგა-

რეთის ისტორიის მქონე უკვე გამოჯანმრთელდა და ორი კი ბინახე არიან თვითიზოლაციაში და ადგილზე გადიან მკურნალობას. მათი კონტაქტები შესწავლილია – სულ 27 ადამიანი, ყველას ჩაუტარდა ტესტირება და, საბედნიეროდ, ყველა უარყოფითია. რაც შეეხება გავრცელებულ ინფორმაციას, რომ საშურში მედიცინის მუშაკიც დაინფიცირდა, ჯერ-ჯერობით ვერ დავადასტურებ. აღვნიშნავ მხოლოდ, რომ აღნიშნულ პიროვნებას მგზავრობისას ჰქონდა შეხება ერთ-ერთ დაინფიცირებულთან.

ამჟამად იგი თვითიზოლაციაშია გადაყვანილი. სულ, ამ წუთისათვის, 15 ადამიანია თვითიზოლაციაში და მათზე მუდმივი კონტროლი ხორციელდება. ჩვენი სამსახური 24 საათიან რეჟიმში აგრძელებს მუშაობას. სექტემბერში 700-ზე მეტ პიროვნებას ჩაუტარდა ტესტირება და საბედნიეროდ, ყველა პასუხი უარყოფითი იყო.

ვაგრძელებთ ასევე მიზნობრივ ტესტირებას – დილაზე მეოფ პაციენტებს, სამედიცინო პერსონალს, პოლიციის და დაცვის პოლიციის მუშაკებს, ფსიქიატრიულ საავადმყოფოს და საოჯახო ტიპის ბავშვთა სახლების ბენეფიციარებს ორ კვირაში ერთხელ გუტარებთ პისიარტესტებს. დასასრულს კი ვეცქვი მოსახლეობას, რომ საპანიკო არაფერია და თუ ყველა დავიცავთ იმ რეკომენდაციებს, რომელიც მსოფლიო ჯანდაცვის ორგანიზაციის თუ ჩვენი მთავრობის მიერაა შემუშავებული, ჩვენ ამ ვირუსს აუცილებლად დავამარცხებთ, – აღნიშნა საშურის ბოლოს ბატონმა დავითმა.



საშურის საბავშვო ბაღებში დასაქმებულმა ყველა თანამშრომელმა სექტემბრის თვეში მომატებული ანაზღაურება მიიღო

საბავშვო ბაღების თანამშრომლებისთვის სახელფასო ანაზღაურების გაზრდასთან დაკავშირებით განცხადება ჯერ კიდევ რამდენიმე თვის წინ საქართველოს მთავრობამ გააკეთა, რომლის თანახმადც, საბავშვო ბაღებში დასაქმებულებისთვის სახელფასო ანაზღაურების მატება ახალი სასწავლო წლიდან იყო დაგეგმილი.

შესაბამისად, სექტემბრის თვიდან, საშურის მუნიციპალიტეტის სკოლა-ამდელი აღზრდის დაწესებულებებში დასაქმებულმა ყველა თანამშრომელმა გაზრდილი სახელფასო ანაზღაურება მიიღო.

ურთულეს და არაორდინალურ პირობებში გვიწევს მუშაობა. განსაკუთრებული ზრუნვის საგანი გახდა სტატუსშეწყვეტილი მასწავლებლების ბედი. მიუხედავად პრობლემებისა, ახალი სასწავლო წლის დაწყება ყოველთვის



დადებით ემოციებს იწვევს. მონატრებულ აღსაზრდელებთან შეხვედრით, თითოეული თქვენგანი გაძლიერებული ენერგიით იწყებთ მუშაობას.

ჩვენი მრავალრიცხოვანი ორგანიზაციის სახელით, გილოცავთ მასწავლებლის საერთაშორისო დღეს, გისურვებთ ნაკლები ბარიერები შეგხვედროდეთ, რათა თქვენი გამოცდილება, შრომისუნარიანობა, ენთუზიაზმი, სიყვარული მხოლოდ აღსაზრდელების წვრთნაში გამოგვეყენებინოთ, მასწავლებელი ხომ კრიზისის მართვის და მომავლის ხედვის ლიდერია – რაც არაერთხელ დადასტურეთ.

ინეზა ელისაშვილი,
სპმთპ საშურის რაიონული ორგანიზაციის თავმჯდომარე

- 5 ოქტომბერს მასწავლებელთა საერთაშორისო დღეა -

„მასწავლებელი - კრიზისის მართვისა და მომავლის ხედვის ლიდერი“

ძვირფასო მასწავლებლებო, სკოლა-ამდელი, ზოგადსაგანმანათლებლო და უმაღლესი განათლების მუშაკებო, საქართველოს პედაგოგთა და მეცნიერთა თავისუფალი პროფკავშირის საშურის რაიონული ორგანიზაციის სახელით გილოცავთ ახალი აკადემიური წლის დაწყებას და მასწავლებელთა საერთაშორისო დღეს.

სპმთპ-ს მიერ გაწეული მუშაობის არეალი ფართოა, ჩვენ ვზრუნავთ წვერთა შრომითი, სოციალ-ეკონომიკური, სამართლებრივი უფლებების დაცვისა და გონივრული, შინაარსიანი დასვენებისთვის. ჩვენი საერთო მიზანია, ორგანიზაციის გაძლიერება, განათლების თანამედროვე და მდგრადი სისტემის ჩამოყალიბება. ორგანიზაცია თანმიმდევრულად ზრუნავს პედაგოგთა პროფესიული განვითარებისთვის. დაუდალავი, მიზანმიმართული მუშაობის შედეგია, რომ მუნიციპალიტეტის სკოლებში გვყავს 11 მენტორი, მრავალი წამყვანი და უფროსი მასწავლებელი.

ორგანიზაციის მიზანია, საკანონმდებლო ინიციატივების/წინადადებების აღვოკატირება და ჩართულობა გადაწყვეტილების მიღების პროცესში, სოციალური დიალოგის და კოლექტიური მოლაპარაკების მექანიზმების გაძლიერება, მედია-კომუნიკაციების გააქტიურება და საერთაშორისო პარტნიორობის გაფართოება. ჩვენი წევრები, გამოცდილების გაზიარების მიზნით, ესწრებიან დანიელი კოლეგების მიერ ჩატარებულ ტრენინგებს, წარმატებული წევრები იმყოფებოდნენ დანიაში განათლების სიტემის გაცნობის მიზნით.

სპმთპ-ის საშურის რაიონული ორგანიზაცია ზრუნავს წვერთა პროფესიული განვითარების, სწავლა-სწავლების ხარისხის ამაღლების, საგნობრივი და პროფესიული უნარების გასაუმჯობესებლად. ორგანიზაცია მუშაობს წარმართვის დროს ხელმძღვანელობს საქართველოს ორგანიზაციის კანონით „შრომის კოდექსი“, საქართველოს კანონით „პროფესიული კავშირების შესახებ“ და შრომის საერთაშორისო ორგანიზაციის (ILO) N87-ე და N98-ე კონვენციებით.

პოსტ ბორის ხარ...

ლომიქები

ჩვენი კოლეგა და დიდი ხნის მეგობარი, რესპუბლიკის დამსახურებული ჟურნალისტი, ბორჯომის საპატიო მოქალაქე, გაზეთ „ბორჯომის“ რედაქტორი და უბრალოდ, შესანიშნავი პიროვნება-ვალერიან ლომიძე წლებია ლომიძეების გვარის ისტორიაზე მუშაობს და ამ მიმართებით, საკმაოდ სქელტანიანი ნაშრომები შექმნა. სამწუხაროდ, ჩვენი გაზეთის ფორმატიდან გამომდინარე, შეუძლებელია ნაშრომის სრული სახით ბეჭდვა, ამიტომ ვითვალისწინებთ, რა ჩვენს მუნიციპალიტეტში ლომიძეთა გვარის მრავალრიცხოვნობას, დღეს მკითხველს ამ ნაშრომის შემოკლებულ-ე.წ. საგაზეთო ვარიანტს ვთავაზობთ.

არ მეგულება ადამიანი, რომელიც თავის გვარით არ ამაყობდეს, სიყვარულით და პატივისცემით არ წარმოთქვამდეს წინაპართა დიდი რუდუნებით და დღემდე მოტანილ გვარს. სწორედ მათ დაგვანათლეს გვარისადმი და გვარიშვილობისადმი მოკრძალებული დამოკიდებულება.

სიამაყის გრძნობა გათავისცდება, როცა ხედავ შენს გარშემო მრავალ სახელოვან, კეთილსინდისიერ, ღვაწლმოსილ და დაფასებულ გვარიშვილებს.

დღეს საქართველოში 13 500 ლომიძე ცხოვრობს და ქართულ გვარებს შორის მეშვიდეა.

საქართველოში კარგ ტრადიციად დამკვიდრდა სხვადასხვა გვარის წარმომადგენლების შეხვედრა. ეს შეხვედრები იმითაა საინტერესო, რომ სახლიკაცები მსჯელობენ გვარში არსებულ პრობლემებზე, ახალგაზრდებს შეახსენებენ გვარის სახელოვან ისტორიას, მოუწოდებენ გვარისა და ერის გამრავლები-საკენ, სამშობლოს ერთგულებისაკენ, ეხმარებიან გაჭირვებულ სახლიკაცებს, თანაურგრძობებს ერთმანეთს სიხარულისა და მწუხარების დროს. იხსენებენ და პატივს მიაგებენ გარდაცვლილ მოგვარეებს და სხვა.

ამ მართლაც და მოსაწონ ტრადიციას, ჯერ კიდევ 1999 წელს მხარი დაუჭირეს ლომიძეებმა და მას შემდეგ, ყოველი წლის შემოდგომაზე იკრიბებიან ბორჯომში, ხაშურში, თბილისში, ხუნევიში. სახლიკაცების შეხვედრა ყოველთვის შთაბეჭდავი და დასამახსოვრებელია. ახალგაზრდობისათვის მისაბაძია ისიც, რომ ამ შეხვედრებში გვარში გამორჩეულ, სამშობლოს წინაშე დამსახურებულ და ვალდებულ სახლიკაცებს ირჩევენ გვარის საპატიო წევრებად. თითოეული შეხვედრა გამსჭვალულია გვარის ტრადიციების, მისი გაფრთხილების და სახლიკაცების პატივისცემის მოპყრობის ნიშნით. საერთო ჯამში, ეს შეხვედრები სამშობლოს სიყვარულის და ერთგულების თვალნათელი გამოხატულებაა.

2006 წელს, დაფუძნდა და რეგისტრაციაში გატარდა “ლომიძეების საგვარეულო კავშირი”, დამფუძნებლებმა აირჩიეს დარბაზის წევრები, ბანკში გაიხსნა სპეციალური ანგარიში. წესდება ითვალისწინებს გვარის სასიკეთოდ მრავალმხრივ ღონისძიებებს(ნიჭიერი ახალგაზრდებისთვის სწავლის ქირის გადახდა, მრავალშვილიანი, სოციალურად დაუცველი ოჯახების დახმარება, საკვლამოქმედო საქმიანობა და სხვა), კავშირის წევრებს ევალებათ სიმბოლური საწვრთს გადახდა, ხოლო ფირმები, ბიზნესმენები და იურიდიული პიები აფინანსებენ სხვადასხვა ღონისძიებებს. წესდება ითვალისწინებს ლომიძეების კომპაქტურად დასახლებულ ადგილებში სათემო საბჭოების ჩამოყალიბებას, რაც დაგვეხმარება კონკრეტულად შევისწავლოთ ადგილზე არსებული პრობლემები და ერთობლივი ძალებით გადავწყვიტოთ ისინი. ერთი სიტყვით, ლომიძეების საგვარეულო კავშირს მეტად ფართომასშტაბიანი და მრავალმხრივი ღონისძიებების პროგრამა აქვს შემუშავებული

ლომიძეების გვარის წარმომადგენელთა სიამაყესა და დიდ სიხარულს იწვევს ის ფაქტი, რომ 2010 წლის 10 იანვარს, სამების საკათედრო ტაძარში, სრულიად საქართველოს კათოლიკოს პატრიარქმა, უწმინდესმა და უნეტარესმა ილია II დალოცა ლომიძეების გვარი და აკურთხა საგვარეულო ხატი, რომელიც სახეიმოდ ხარაგაულის რაიონის სოფელ ხუნევის ეკლესიაში დავაბრძანეთ, 2010 წლის 6 მაისს იმ სოფელში, საიდანაც არიან ლომიძეების უმრავლესობა.

შემუშავებულია მრავალმხრივ საინტერესო ღონისძიებების გეგმა, რომელთა განხორციელება ხელს შეუწყობს გვარის კიდევ უფრო შეკავშირებასა და განმტკიცებას.

ბუნებრივად იბადება კითხვა, საიდან მოდის ლომიძეების გვარის ისტორია, რა გზა გაიარა გვარმა და როგორ მოვიდა ჩვენამდე, ამ და სხვა კითხვებზე ისტორიული დოკუმენტების მოშველიებით გაცევით პასუხს.

ლომი-ქართულ გვარ-სახელაზნი

ქართული გვარები მყარია. ბევრ გვარს გრძელი, ისტორიული გზა აქვს გავლილი. მათი უმრავლესობა მიღებულია წინაპრების საკუთარი სახელები-სგან, “ქე” და “შვილი” დაბოლოების დართვით. ერთ-ერთი ასეთი წარმოშობისაა ლომიძეების გვარი(ძველი სახით ლომის-ძე), რომელიც იმაზე მიუთითებს, რომ საუკუნეების წინათ ცხოველთა სახელები ადამიანთა საკუთარ სახელადაც გამოიყენებოდა. განსაკუთრებით მთის მოსახლეობაში, ბოლო დრომდე იყო შემორჩენილი მამაკაცის სახელი ლომა, რაც ძველ წერილობით წყაროებშიც დასტურდება. სიტყვა “ლომს” საერთოდ ქართულ ონომისტიკაში(საკუთარ სახელთა ფონდში) მნიშვნელოვანი ადგილი უკავია. მისგანაა ნაწარმოები ბევრი საკუთარი სახელი, რაც შემდეგ გვარებში აისახა (ლომიძე, ლომაძე, ლომი-აშვილი, ლომიანიძე, ლომსაძე, ლომიტაშვილი და სხვა).

რის საფუძველზე უნდა ექცია ხალხს “ლომი” საკუთარ სახელად ან გვარად? აღნიშნული გვარის ფუძე არის ლომი, რომელიც ცხოველთა მეფედ არის აღიარებული. იგი ვაჟკაცობის, სიძლიერის, უშიშროების, ახოვანების, შეუპოვრობის, სისწრაფის, ღონის და მამაცობის სიმბოლოა, რაც მასთან ადამიანის შედარების საფუძველს იძლევა. ამ გვართან საერთო ფუძითაა დაკავშირებული ლომიძე, ლომისდარაშვილი, ლომგულაშვილი, ლომკაცი, ლომისგულა, ლომიაა, ლომიტაშვილი, ლომაშვილი, ლომსაძე, ლომსიანიძე, ლომუაშვილი, ლომჯარია და სხვა.

ადამიანის ღრმად წარმოსახვის მეორე მიზეზად უძველესი რელიგიური მიზეზი უნდა დავასახელოთ, რომელიც წარმართული მსოფლმხედველობის შედეგია. ეს მაშინ იყო, როცა ადამიანის გონებას მრავალღმერთიანობასთან დაკავშირებული ე.წ. ტოტემიზმი იმორჩილებდა და ბუნების ძალები, მათთან ერთად ცხოველებიც თავყვანისცემის საგნად, გაფეტიშებული იყვნენ. სწორედ ამით უნდა აიხსნას ისეთი საკუთარი სახელების არსებობაც, რომელთა ნიშნუ-ბიც გვარებმა შემოგვინახა(ვეფხვიაძე, ვეფხვიაშვილი, მგელიაშვილი, მგელაძე, დავითაშვილი, კურდღელაშვილი, ტურაშვილი, ფოცხვერაშვილი, არჩვაძე, ირემაძე, ვეშაბიძე, გველუკაშვილი და მრავალი სხვა).

ლომიძის სახელთანაა დაკავშირებული საქართველოში დღემდე შემორჩენილი წინაქრისტიანული ღვთაება მთიულეთში ლომიძის სალოცავი, რომელიც ქსნისა და არაგვის წყალგამყოფ ქედზე მდებარეობს. მეორე სოფელ მღუთასთანაა. ლომისობის რელიგიური დღესასწაული ყოველწლიურად იმართება ადღკომის მეშვიდე დღეს.

ბორჯომის რაიონის სოფელ ქვაბისხევის მიმდებარედ, მესხეთის ქედზე, მდებარეობს ლომის მთა(სიმაღლე 2187მ) თუ რატომ დაერქვა ამ მთას ეს სახელი, დღემდე უცნობია.

ცხოველთა მეფის, ლომის სახელწოდება ბევრ ევროპულ ენაში, ძველგეგვიპტური “ლუბუ”-გან მომდინარეობს, ასეთივეა ბერძნული-“ლონ”, რომლის ქართული ფორმა ლევანია. შესაბამისად, გვარი ლევანიძე, ლათინურად ლეო, გერმანულად ლიოვე, რუსულად ლეე, ფრანგულად ლეონ, ინგლისურად ლიონ. ყველა ამ სახელების ქართული ფორმა ლევანია. იგი მამაკაცის საკუთარი სახელია, მაგრამ სახელი საქართველოს საეკლესიო კალენდარში არ გვხვდება. ეს სახელი რომ გავრცელებული ყოფილა, ამას მოწმობს ზემოთ აღნიშნული ლომთან დაკავშირებული გვარები.

რას მოჰპოვებდა ისტორიული ლომიძეებანი?

მოსკოვში არსებული “გვარების ისტორიის შემსწავლელი კვლევითი ცენტრის” მიერ გამოქვეყნებულ დოკუმენტებში, ხაზგასმითაა მითითებული: “ლომიძეების გვარის წარმომადგენლებს შეუძლიათ იამაყონ თავიანთი წინაპრებით, რომელთა მონაცემები შემონახულია სხვადასხვა ისტორიულ დოკუმენტებში, რომლებიც ამტკიცებენ, რომ ლომიძეები სერიოზულ კვალს ტოვებენ საქართველოს და რუსეთის ისტორიაში.

ლომიძეების გვარი წარმოიშვა საქართველოს დასავლეთ და ცენტრალურ ნაწილში და შედის საქართველოს უძველეს გვართა სიაში, ამ გვარის წარმოშობის პროცესი იწყება XIII საუკუნეში. რა თქმა უნდა, თანამედროვე პირობებში, ამ გვარის წარმომადგენლები შესაძლოა ცხოვრობდნენ მსოფლიოს სხვადასხვა კუთხეშიც.”

ლომიძის გვარი მიეკუთვნება ძველი ქართული გვარების ტიპს, რომელიც წარმოშობილია გვარის ფუძემდებლის სახელიდან. ქართველმა ხალხმა ქრისტიანობა ჯერ კიდევ IV საუკუნეში მიიღო და ამ დროიდანვე ქრისტიანობა ქართლში სახელმწიფო რელიგიად გამოაცხადა. ამ დროიდანვე ბავშვებს ნათლობის დროს არქმევდნენ ქრისტიანულ სახელებს წმინდანების პატივსაცემად, რომლებიც მოიტანა ქრისტიანობამ, მაგრამ რამდენიმე საუკუნის განმავლობაში, ქართველი ხალხისთვის დამახასიათებელი იყო, ისევე, როგორც მსოფლიოს მრავალი ხალხის ტრადიციისთვის, თითოეულ ადამიანს ჰქონოდა ორი სახელი: ერთი ოფიციალური-საეკლესიო და მეორე საერო. მეორე სახელის არსებობა იყო ხარკი ძველი ორსახელიანობის ტრადიციისა, რომელიც დამახასიათებელი იყო მსოფლიოს ხალხების უმრავლესობისათვის და რომელიც ითხოვდა ძირითადი სახელის გადაფარვას. ბევრ არაეკლესიურ სახელს ქართული წარმოშობა ჰქონდა, ასე მაგალითად: კაცის უძველესი ქართული სახელია ლომი. სახელების პოპულარობა, რომელიც უძველესობის და სიმამაცის სიმბოლოს წარმოდგენდა, ევროპისა და აზიის ყველა ხალხებს შორის დაკავშირებული იყო წარსულში გავრცელებულ წარმოდგენებთან იმის შესახებ, რომ სახელს შეეძლო ადამიანის ბედზე გავლენის მოხდენა.


ამაყი, ძველი სახელი “ლომი” ქართველ ხალხს შორის ძალიან პოპულარული იყო, ჩვენი წინაპრების აზრით, ასეთ სახელს შეეძლო “შთაებერა” ვაუიშვილისათვის ლომის ძალა და სიმამაცე. ამასთანავე, სახელს ლომი შეეძლო შეეშინებინა ბნელი ძალები: ყოველი ბოროტი სული გაურბის ძლევა მოსილ ლომთან შერკინებას, მათ ეშინიათ ცხოველის სახელის და ამ სახელის მატარებელ ბავშვს უფრო ხიან და ერიდებიან. არც ისაა გამორიცხული, რომ სახელი “ლომი” გამოიყენებოდა როგორც შერქმეული სახელი. პირადი მეტსახელები ყველა ხალხში იყო გავრცელებული და ეს მეტსახელი ეძლეოდა კონკრეტულ ადამიანს რაიმე განსხვავებული თვისების გამორჩევის გამო. მაგალითად, სიმაღლის ან სისქის, ხასიათის, მიდრეკილების და ა. შ. უშიშარი ხასიათის, ძალისა და სიმამაცის გამო მოზრდილი ვაჟკაცისათვის შეეძლოთ შეერქმიათ ასეთი სახელი.

ასეთი სახელების უმრავლესობა შემდგომში ოფიციალური რელიგიის მიერაც იქნა მიღებული. ასე მაგალითად, სახელი “ლომის” ფუძე არის ძველქართული სახელი “ლომი” და იგი შევიდა ქართული მართლმადიდებლური ეკლესიის წმინდანთა სახელებს შორის. იგი წარმოშობილია ფუძედან “ლომ” ტრადიციული სუფიქსის ინის-მეშვეობით. ამ სახელიდან არის წარმოებული სხვა ფორმებიც: ლომი, ლომა, ლომია, ლომიკო, ლომკა და ა.შ.

გვარები ყოველ რეგონში ადგილობრივი ტრადიციების მიხედვით წარმოიშობოდა. დასავლეთ საქართველოში გვარები ფორმულირდება პატრონომიული- ძე-სუფიქსით, რომელიც ძველად ნიშნავდა ვაჟს, შთამომავალს, ამიტომაც ადამიანთა შთამომავლებმა, რომლებიც, ატარებდნენ სახელს “ლომი”, მიიღეს საოჯახო მეტსახელი-ლომიძე. მოგვიანებით ამ სუფიქსებს იღებდნენ მხოლოდ გვარის დაბოლოების ნიშნად.

რუსეთის იმპერიაში შესვლის შემდეგ, ქართული გვარები არ შეცვლილა, მათ შეინარჩუნეს ეროვნული კვარადობა.

საქართველოში ქრისტიანული რელიგიის მრავალსაუკუნოვანი არსებობის მანძილზე, შენარჩუნებული იქნა ქრისტიანული წეს-ჩვეულებები, რომლებიც ქართველთა სულიერი ცხოვრების საფუძველი გახდა. მიუხედავად ამისა, ზოგი-



ლომიძეების საგვარეულო გვარი

ერთი ქრისტიანობამდელი ტრადიცია შენარჩუნდა და დღემდე მოაღწია.

ძველი წეს-ჩვეულებების და ტრადიციების სწორედ ასეთ შესანიშნავ ძეგლს წარმოადგენს ღომიძის გვარი, ასეთი წეს-ჩვეულება და ტრადიცია დამახასიათებელია როგორც ქართველებისათვის, ასევე მსოფლიოს სხვადასხვა ხალხებისათვის.

შთამომავლებისათვის საინტერესო და მნიშვნელოვანია შეინარჩუნონ ხსოვნა საკუთარი გვარის წარმოშობის შესახებ-აღნიშნულია მოსკოვში არსებული "გვარების ისტორიის შემსწავლელი კვლევითი ცენტრის" მიერ გამოცემულ სიგელში. ჯერჯერობით, დღემდე მოკვლეულ ისტორიულ ალანებში 1569 წელს, ღომიძე სახელად რაბინი ნასყიდობის წიგნში მოწმედ არის ნახსენები.

1993 წელს გამოიცა "პირთა ანოტირებული ლექსიკონის" მეორე ტომი, რომელშიც ვრცელადაა წარმოდგენილი ქართულ გვართა ისტორიული წყაროები. ამავე ლექსიკონში წარმოდგენილია ღომიძეების გვარის ისტორიის ზოგადი მონაცემები.

ლომიძა-ლომიძა

ღომიძე -ერთი კომლი მოხსენიებულია ზემო ქართლის კომლთა ნუსხაში (XVII დამდ).

ღომიძე მირა-კორთხას მცხოვრები, (სახლიკაცი) ცხადია, ღომიძისა.

ღომიძე გიორგი-ძმა ხახუტა ღომიძისა

ღომიძე გიორგი-კორთხას მცხოვრები, ემართა ქუთაისის საყდრის ბეგარა: თორმეტი თეთრი, ერთი ურემი ღომი, ოთხი ნაოთხალი ღომი, ორი ნაოთხალი პური, ერთი ლიტრა სანთელი და სამი კვერცი (1578წ).

ღომიძე გოგინა-ფერსათს მცხოვრები, ემართა ქუთაისის საყდრის ბეგარა: ორცდაათხუთმეტი კოკა ღვინო, თორმეტი თეთრის საკლავი, ერთი ქათამი, ათი თეთრი, ოცი კვერცი, ერთი ურემი ღომი, სამსახური (1578წ).

ღომიძე გოგლა-ფარსათის მცხოვრები, ემართა ქუთაისის საყდრის ბეგარა: ოცდასუთი კოკა ღვინო, თორმეტი თეთრი საკლავი, ქათამი, ორი თეთრი, ოცი კვერცი, ერთი ურემი ღომი, ერთი საბელი, ყოველდღე მუშაობა (1578წ).

ღომიძე დავითა-კორთის მცხოვრები, ემართა ქუთაისის საყდრის ბეგარა: თორმეტი თეთრი, ერთი ურემი ღომი, ოთხი ნაოთხალი ღომი, ორი ნაოთხალი ღომი, ორი ნაოთხალი პური, ერთი ლიტრა სანთელი, ორი კვერცი (1578წ).

ღომიძე ესტატე-მოწმე მარიამ დედოფლის მიერ სეხნია შუბითიძესთვის მიცემული მამულის წყალობის წიგნისა (XVII ს, I მეოთხ).

ღომიძე მამინა-კორთხას მცხოვრები, ემართა ქუთაისის საყდრის ბეგარა: თორმეტი თეთრი, ერთი ლიტრა სანთელი, ორი ნაოთხალი ქერი, ერთი პინა პური, ერთი ურემი ღომი, ორი კვერცი (1578წ).

ღომიძე მამისთვალა-შუბანს მცხოვრები, ემართა ქუთაისის საყდრის ბეგარა: თორმეტი კოკა ღვინო, თორმეტი თეთრის საკლავი, ოცი კვერცი, ერთი ურემი ღომი, ოცდაოთხი ნაოთხალი ღომი, ერთი საბელი, ქათამი, თივის თიბვა, ივქლის და ქერის მუშაობა, ერთი თეთრის ღირებულების ყავრის მიტანა, საყდრის მუშაობა (1578წ).

ღომიძე მასურა-კორთხას მცხოვრები, ემართა ქუთაისის საყდრის ბეგარა: თორმეტი თეთრი, ერთი ურემი ღომი, ოთხი ნაოთხალი ღომი, ორი ნაოთხალი ღომი, ორი ლიტრა სანთელი, ოთხი კვერცი (1578წ).

ღომიძე ნატრია-შუბანს მცხოვრები. მისეულ მამულზე მცხოვრებს ემართა ქუთაისის საყდრის ბეგარა: ოცდაათი კოკა ღვინო, თორმეტი თეთრის საკლავი, ათი თეთრი, ათი კვერცი, ერთი ურემი ღომი, საბელი და ქათამი, თიბვა, ივქლის და ქერის მუშაობა, ერთი თეთრის ღირებულების ყავრის მიტანა და საყდრის მუშაობა (1578წ).

ღომიძე რაიბან-მოწმე ავთანდილ მინიაშვილის მიერ ფილასონ ქერდევანიძისათვის მიცემული მიწის ნასყიდობის წიგნისა (1569წ).

ღომიძე ქრისტეშია-კორთხას მცხოვრები, ემართა ქუთაისის საყდრის ბეგარა: თორმეტი თეთრი, ლიტრანახევარი სანთელი, ერთი ურემი ღომი, ორი ნაოთხალი ქერი, ერთი პინა პური, ორი კვერცი (1578წ).

ღომიძე შაქარა-კორთხას მცხოვრები, ემართა ქუთაისის საყდრის ბეგარა: თორმეტი თეთრი, ერთი ლიტრა სანთელი, ერთი ურემი ღომი, ორი ნაოთხალი პური, ორი კვერცი (1578წ).

ღომიძე ცხადია-კორთხას მცხოვრები, ჰყავს (სახლიკაცი) მირა. მასთან ერთად ქუთაისის საყდრის ბეგარა: ოცდაოთხი თეთრი, ორი ლიტრი სანთელი, ერთი ურემი ღომი, სამი ნაოთხალი ქერი, ერთი ნაოთხალი პური, ორი კვერცი (1578წ).

ღომიძე ხახუტა-ჰყავს ძმა გიორგი. ალექსანდრე (იმერთა) მეფემ მას მისცა საიმედო წიგნი, იმის შესახებ, რომ დაიცავდა ბატონის მიერ წახდენის ან გაყიდვის საშიშროებისაგან. ამავე დროს, უბრძანა, რომ ბატონის სამსახური არ მოეშალა (639-1660წწ).

ძველთაგან ლიხთიმერთს ბუდობდა ღომიძეების რიცხვმრავალი გვარი. "რომელნიმე გლეხნი ყოფილან ღომიძენი და რომელნიმე აზნაურნი ტახტისა".

საიდან მოვიდნენ ღომიძეები?

XV-XVI საუკუნეებში, საქართველოში, კერძოდ, სამცხე-საათაბაგოში შექმნილ უმძიმეს პოლიტიკურ, სოციალურ, დემოგრაფიულ ვითარებას თავს დაატყდა ოსმალეთის ურდოების შემოსევა, რომელმაც მიიტაცა ერთ დროს ქართველთა მჭიდროდ დასახლებული მხარე. მუსლიმანური სარწმუნოების შემოტევამ, ურჯულთა წეს-ჩვეულებების იძულებით აღიარებამ, მძიმე საგადასახადო სისტემამ, დამპყრობელთა მიერ ქრისტიანული სარწმუნოების წინააღმდეგ უსასტიკესმა დევნამ, მკვიდრი მოსახლეობის აყრა და საქართველოს სხვადასხვა კუთხეებში გადასახლებას დაუდო საფუძველი. სხვა გვარებთან ერთად, ღომიძეებიც მშვიდობიანი კუთხის ძებნაში იყვნენ.

ისტორიული დოკუმენტებით და გვარში შემორჩენილი ზეპირსიტყვიერებით დგინდება, რომ ღომიძეების რამდენიმე შტომ ოსმალებისგან თავდაღწეულებმა დასავლეთ საქართველოში დასახლება გადაწყვიტეს. თავიდან გურიაში დასახლდნენ, შემდეგ იმერეთში გადავიდნენ (ამის არაერთი დოკუმენტი არსებობს).

ღომიძეების ერთი შტო ქუთაისთან ახლოს საყუდიის ტერიტორიაზე დასახლებულა, მეორე შტო აჭარაში დღევანდელ ხულოს რაიონის სოფელ ბელდეთში, საქართველოს ამ ისტორიულ მიწა-წყალზე დღესაც ცხოვრობენ მამადაინი ღომიძეები, რომლებიც "ლომიდალ" იწოდებიან, ხოლო გორის რაიონ სოფელ რიეთში კათოლიკე ღომიძეები სახლობენ (სხვათა შორის, დღევანდელ თურქეთში, საკმაოდ მრავალი ცხოვრობს ღომიძეების შთამომავლები).

შესაძებ შტო, ხარაგაულის რაიონ სოფელ ხუნგეში, ხოლო მეოთხე შტო, საჩხერის რაიონ სოფელ ლიჩში დასახლებულა (ლიჩელის გვარის წარმომადგენლები პოტენციური ღომიძეები არიან).

1578 წლის დავითის მიხედვით, იმერეთში კორთხას, შუბანს და ფერსათის მოსახლე ღომიძეები ქუთაისის საყდარს ემსახურებოდნენ. XVII საუკუნის პირველ მეოთხედში იმერთა დედოფალი მარიამი, ერთ-ერთ წყალობის სიგელში მოწმედ იხსენიებს ესტატე ღომიძეს. 1639-1660 წლებში იმერთა მეფემ ალექსანდრემ "საიმედო წიგნი" უბოძა ხახუტა და გიორგი ღომიძეებს. იოანე ბატონიშვილი თავის წიგნში "ალწერა საქართველოს თავადაზნაურთა გვარებისა"-ში ღომიძეების შესახებ გვამცნობს, რომ როგორც აზნაურნი აღნიშნულნი არიან ქართლ-კახეთის და იმერეთის აზნაურთა სიაში (გვ 15) "არიან იმერეთს აზნაურნი, მათი სახლის კაცი მოსულა ქართლსა შინა".

XVII საუკუნის დამდეგს, ღომიძეთა ერთი კომლი მოიხსენიება ზემო ქართლის კომლთა ნუსხაში, ქართლში იმერელი ღომიძეები უმთავრესად დავითაშვილთა, აბაზაძეთა და ავალიშვილთა მამულებში დამკვიდრებულან. რუსეთის იმპერატორული უდიდებულესობა, 1850 წლის 6 დეკემბერს, ამტკიცებს იმერეთის თავადაზნაურთა ოჯახების სიას, სადაც აღრიცხულია აზნაური ღომიძეების 950 ოჯახი. 1783 წელს, გეორგიევსკის ტრაქტატის თანახმად, კახეთის თავადაზნაურთა შორის ხავერდოვან წიგნში, ღომიძეები ავალიშვილების აზნაურებად მოიხსენიებიან.

როგორც წერილობითი დოკუმენტიდან ირკვევა, ღომიძეები XVII საუკუნის ბოლოს, საქართველოს სხვადასხვა ადგილებში განსახლებულან ("ქართული სამართლის ძეგლები").

იმერეთში ღომიძეები ძირითადად იყვნენ აგიაშვილების, საწერეთლოს, საავალიშვილოს აზნაურები (ო. კილასონია, "ქართული ისტორიის ანალებში").

ღომიძეების გვარის განაყოფს შეადგენენ ვაშალომიძეები. ერთ-ერთი თქმულების თანახმად, ბრძოლებში გამოჩენილი მამაცობისათვის და გმირობისათვის მეფეს "ვაშა, ღომიძეთ" დაუძახია. სწორედ იმ ღომიძეების გვარის წარმომადგენლებს ვაშალომიძეების გვარით გაუგრძელებიათ ცხოვრება.

ღმერთის, საქართველოს და ბარბატონთა ტახტის ძლიერებისათვის, ღომიძეთა გვარის მეომრები, გლეხნი კომლზე კაცად და აზნაურნი ქუდზე კაცად გამოდიოდნენ. ცალკერძ იმერეთის სამეფოს ლაშქრის შემარჯვენე სადროშოში და ცალკე ქართლის სამეფოს ლაშქრის შემარჯვენე სადროშოში, თავად წრეთელთა და ამილახვართა დროშების ქვეშ.

ღომიძეების გვარის ისტორია მდიდარია თავდადებულ და გმირ წინაპართა თქმულებებით და ლეგენდებით. ღომიძეთა გვარის სასახლოდ და საამაყოდ უნდა ითქვას ის თქმულება, რომ დიდგორის ისტორიულ ომში მეფეთ-მეფე დავით აღმაშენებელს ერთგულ მებრძოლთა შორის მდგარან ძმები ღომიძეები და გმირულად უბრძოლიათ.

ერთ-ერთი თქმულების თანახმად, საქართველოს ურიცხვი მტერი შემოსევია, მტრის წინააღმდეგ საბრძოლველად, ერთი ოჯახიდან ცხრა ძმა, ერთი-მეორეზე მამაცი ვაჟკაცები წასულან. ომი ქართველთა გამაჯვებით დამთავრებულა. სოფლის ორდობეში გამარჯვებულ მხედრებს ცხრა ძმის დედა შეგებებია, შვილების დაღუპვის ამბავი მოლაშქრეებისგან შეუტყვია:

-დედი, შენი შვილები ღომიძეებით იბრძოდნენ და გმირულად დაიხოცნენო.

დამწუხრებული და დადარდიანებული დედა ბრძოლის ველზე წასულა შვილების ცხედრების სანახავად. დედას შვილები უნახავს, ყველანი გამოუგლოვია, სადაც ცრემლი დაცემულა, იქ წყარო წარმოდენილა, ამბობენ, იმ მთას დღესაც ცხრაწყაროს ეძახიანო. ცხრა ძმის ნაშთიერებს ხალხმა ღომის ძეები შეარქვეს და ღომიძეების გვარიც იქიდან მოდისო.

ძნელი დასადგენია, საიდან მოდის ეს სვედიანი შინაარსით სავსე თქმულება, მაგრამ ფაქტია, ამ თქმულებებში, სიმართლის რაციონალური მარცვალი ნამდვილადაა. ღომიძის გვარს არ დაანათლავდნენ მშიშარას, მცონარას, ზარმაცს, აკაცს, აყვიას. იგი ცხოვრებაში ღონით, სიძლიერით, მამაცობით, შრომისმოყვარეობით გამორჩეული უნდა ყოფილიყო. სწორედაც ღომიძეების გვარი ავადებულლებდა გმირულად ბრძოლას. საამაყოა, რომ ღომიძეები ყოველდღიურ ცხოვრებაში ნამდვილად გამოირჩევიან დადებითი თვისებებით, სამშობლოს, ოჯახის, შვილების დიდი სიყვარულით, დაკისრებული მოვალეობის პირნათლად შესრულებით, პატიოსნებით, სტუმართმასპინძლობით და სხვა კეთილი თვისებებით. ღომიძებს არ აქვთ მეორეხარისხოვან პიროვნებად ყოფნის უფლება, ისინი დღესაც გამორჩეულები უნდა იყვნენ სხვებისაგან, რადგან ასე დაგვიბარეს წინაპრებმა. თითოეულ ღომიძეს გულის ფიცარზე უნდა ეწეროს სწავლულ კაცთა შეგონება-გვარი კი არ უნდა გვაღამაზებდეს, არამედ გვარს უნდა ვაღამაზებდეთ.



მიძეთა გვარის მეომრები, გლეხნი კომლზე კაცად და აზნაურნი ქუდზე კაცად გამოდიოდნენ. ცალკერძ იმერეთის სამეფოს ლაშქრის შემარჯვენე სადროშოში და ცალკე ქართლის სამეფოს ლაშქრის შემარჯვენე სადროშოში, თავად წრეთელთა და ამილახვართა დროშების ქვეშ.

ღომიძეების გვარის ისტორია მდიდარია თავდადებულ და გმირ წინაპართა თქმულებებით და ლეგენდებით. ღომიძეთა გვარის სასახლოდ და საამაყოდ უნდა ითქვას ის თქმულება, რომ დიდგორის ისტორიულ ომში მეფეთ-მეფე დავით აღმაშენებელს ერთგულ მებრძოლთა შორის მდგარან ძმები ღომიძეები და გმირულად უბრძოლიათ.

ერთ-ერთი თქმულების თანახმად, საქართველოს ურიცხვი მტერი შემოსევია, მტრის წინააღმდეგ საბრძოლველად, ერთი ოჯახიდან ცხრა ძმა, ერთი-მეორეზე მამაცი ვაჟკაცები წასულან. ომი ქართველთა გამაჯვებით დამთავრებულა. სოფლის ორდობეში გამარჯვებულ მხედრებს ცხრა ძმის დედა შეგებებია, შვილების დაღუპვის ამბავი მოლაშქრეებისგან შეუტყვია:

-დედი, შენი შვილები ღომიძეებით იბრძოდნენ და გმირულად დაიხოცნენო.

დამწუხრებული და დადარდიანებული დედა ბრძოლის ველზე წასულა შვილების ცხედრების სანახავად. დედას შვილები უნახავს, ყველანი გამოუგლოვია, სადაც ცრემლი დაცემულა, იქ წყარო წარმოდენილა, ამბობენ, იმ მთას დღესაც ცხრაწყაროს ეძახიანო. ცხრა ძმის ნაშთიერებს ხალხმა ღომის ძეები შეარქვეს და ღომიძეების გვარიც იქიდან მოდისო.

ძნელი დასადგენია, საიდან მოდის ეს სვედიანი შინაარსით სავსე თქმულება, მაგრამ ფაქტია, ამ თქმულებებში, სიმართლის რაციონალური მარცვალი ნამდვილადაა. ღომიძის გვარს არ დაანათლავდნენ მშიშარას, მცონარას, ზარმაცს, აკაცს, აყვიას. იგი ცხოვრებაში ღონით, სიძლიერით, მამაცობით, შრომისმოყვარეობით გამორჩეული უნდა ყოფილიყო. სწორედაც ღომიძეების გვარი ავადებულლებდა გმირულად ბრძოლას. საამაყოა, რომ ღომიძეები ყოველდღიურ ცხოვრებაში ნამდვილად გამოირჩევიან დადებითი თვისებებით, სამშობლოს, ოჯახის, შვილების დიდი სიყვარულით, დაკისრებული მოვალეობის პირნათლად შესრულებით, პატიოსნებით, სტუმართმასპინძლობით და სხვა კეთილი თვისებებით. ღომიძებს არ აქვთ მეორეხარისხოვან პიროვნებად ყოფნის უფლება, ისინი დღესაც გამორჩეულები უნდა იყვნენ სხვებისაგან, რადგან ასე დაგვიბარეს წინაპრებმა. თითოეულ ღომიძეს გულის ფიცარზე უნდა ეწეროს სწავლულ კაცთა შეგონება-გვარი კი არ უნდა გვაღამაზებდეს, არამედ გვარს უნდა ვაღამაზებდეთ.

საინტერესო პროექტის პრეზენტაცია

საქართველოს სასოფლო დარბაზმა, ევროპის ფონდისა და შვედეთის საერთაშორისო განვითარების და თანამშრომლობის სააგენტოს მხარდაჭერით, დაიწყო პროექტის "სამოქალაქო მონიტორინგი მუნიციპალური სერვისების გაუმჯობესებისათვის" განხორციელება.

პროექტის მიზანია, საქართველოს სასოფლო დარბაზისა და ადგილობრივი მედიასაშუალებების კოალიციური ძალისხმევით, საზოგადოების სამსჯავროზე გავიდეს და სოციალურ-ეკონომიკურ ჭრილში განსჯადი გახდეს მუნიციპალიტეტში მოქმედი არასამეწარმეო იურიდიული პირის საქმიანობა. პროექტი სამ მუნიციპალიტეტში ხორციელდება-ხაშურში, ღანჩხუთსა და სენაკში.

1 ოქტომბერს, ადმინისტრაციულ სახლში შედგა ზემოაღნიშნული პროექტის პრეზენტაცია, რომელსაც მუნიციპალიტეტში მოქმედი ა(ა)იპ-ების, მერიის და საკრებულოს წარმომადგენლები ესწრებოდნენ. პრეზენტაციაზე, მონაწილეთა ერთობლივი გადაწყვეტილებით, შეირჩა ის სამი არასამეწარმეო იურიდიული პირი, რომელთა უშუალო ჩართულობა მოხდება პროექტში. ესენია: საბავშვო ბაღების გაერთიანება, ხაშურსერვისი და სამუზეუმო გაერთიანება.

პროექტის საბოლოო მომხმარებლებს წარმოადგენენ ხაშურის მუნიციპალიტეტის 52 000-მცხოვრები, ღანჩხუთის მუნიციპალიტეტის 31 000-მდე მცხოვრები და სენაკის მუნიციპალიტეტის 40 000-მდე მცხოვრები, როგორც მუნიციპალური სერვისების მომხმარებელი თემები (სულ მცირე 123 000 ადამიანი), ცოდნასა და უნარებს აიმაღლებს ა(ა)იპ-ების 60 წარმომადგენელი. მონიტორინგის შედეგებს გაეცნობა სამი მუნიციპალიტეტის მოსახლეობის სულ მცირე 30%, პროცესში ჩაერთვებიან სამივე მუნიციპალიტეტის საკრებულოები და მერიის სამსახურები და რა თქმა უნდა, მუნიციპალური 9 ა(ა)იპ-ის შემადგენლობა.



მდინარე სურამულას კალაპოტის ნაწილი დასრულდა


ხაშურის მონაკვეთზე დასრულდა მდინარე სურამულას კალაპოტის წმენდის სამუშაოები, რომელიც მთლიანად მუნიციპალიტეტის მერიამ დააფინანსა. სამუშაოების ღირებულება 425 994 ლარს შეადგენდა. აღნიშნული მნიშვნელოვანია, სტიქიის პრევენციისა და ეკოლოგიის თვალსაზრისით.

დევნილთა 37 ოჯახს ბინები გადაეცათ

გორსა და ხაშურში, ახალდაშენებულ კორპუსებში, 37 დევნილ ოჯახს ბინები გადაეცათ. ამიერიდან, ეს ოჯახები თანამედროვე სტანდარტების შესაბამის პირობებში იცხოვრებენ.

აღსანიშნავია, რომ მხოლოდ მიმდინარე წელს, ჯამში, ახალ საცხოვრებელს 2000-ზე მეტი იძულებით

გადაადგილებული პირი მიიღებს. 2012 წლის შემდეგ კი, რაც მთავრობაში დღევანდელი ხელისუფლება მოვიდა, საქართველოს მასშტაბით, სხვადასხვა პროგრამების ფარგლებში, 21 655 ოჯახი განსახლდა. აღნიშნული სამთავრობო პროგრამა ისევ გრძელდება და უმოკლეს ვადებში, ახალდაშენებულ კორპუსებში, ყველა ის ოჯახი დაბინავდება, რომლებსაც დღემდე არ უსარგებლიათ ამ სიკეთით.



ღაბა სურამში, მუვილობის ქუჩის სარეაბილიტაციო სამუშაოები ბრძელდება

ამ ეტაპზე, მიმდინარეობს ტროტუარების მოწყობა. პროექტი გარდამავალია და ხელშეკრულების თანახმად, სამუშაოები 2021 წლის 1 მაისამდე უნდა დასრულდეს.

ინფრასტრუქტურული სამუშაოები ადგილობრივი ბიუჯეტისა და რეგიონული განვითარების ფონდის თანადაფინანსებით ხორციელდება და ჯამში 1296 939 ლარს შეადგენს.

მუვილობის ქუჩა საკმაოდ მჭიდროდაა დასახლებული და სხვა ქუჩებთან დამაკავშირებელ გზას წარმოადგენს, შესაბამისად, განხორციელებული პროექტით 500-ზე მეტი ადგილობრივი მცხოვრები და სტუმარი ისარგებლებს, რაც მათ საყოფაცხოვრებო პირობებს მკვეთრად გააუმჯობესებს.



(გაგრძელება. დასაწყისი იხ. „სმ“ №21,22,23,24)

ამ შემთხვევაში, ჩვენთვის საყურადღებოა ის გარემოება, რომ დიდი გეოგრაფი და ისტორიკოს იცნობს ხაშურს და თავის „აღწერაში“ სათანადო ადგილს მიუჩენს მას. უფრო მეტიც, მას იგი დააქვს თავის შედგენილ რუკაზე, რაც, ცხადია, გარკვეულ ინტერესს იწვევს.

აქვე უნდა აღვნიშნოთ, რომ სურამის წყლის ხეობის აღწერისას იოანე ბატონიშვილიც აფიქსირებს ქემერტს. როგორც ჩანს, აქაც უზუსტობას უნდა პქონდეს ადგილი. ისიც უნდა შევნიშნოთ, რომ ორივე ბატონიშვილი, ვახუშტიც და იოანეც, ქემერტს აფიქსირებენ დიდი ღიახევის ხეობაში, სადაც დღესაც არსებობს ამავე სახელწოდების სოფელი.

დღევანდელი ხაშურის რომელი უბანი უნდა ჩაითვალოს ძველ ხაშურად? იოანე ბატონიშვილის „კალმასობის“ მიხედვით, ეს უბანი უნდა იყოს დღევანდელი 9 აპრილის ქუჩის მიდამოები, სადაც მდებარეობს წმ. მარინესა და იოანე ნათლისმცემლის ეკლესიები და კოშკი.

„საშაღს სოფელი“

შედარებით მეტი ისტორიული დოკუმენტი მოგვეპოვება ხაშურის შესახებ XVIII საუკუნის მეორე ნახევრიდან, განსაკუთრებით ბოლო ათწლეულებიდან. ერთ-ერთ დოკუმენტში, რომელიც XVIII საუკუნის დამლევით თარიღდება და წარმოადგენს სამგორის არხის მშენებლობის ნუსხას, სურამელ და ოსიაურელ მუშებთან ერთად მოხსენებულია ხაშურელი მუშაც. დოკუმენტში ვკითხულობთ:

“წვ/ოთხი მინალთუნი და ხუთი შაური/ქ. სურამელ ორ მუშას ცსნ/ორი მინალთუნი და ხუთი შაური/ქ. ოსიაურელ მუშას ცსნ/ორი მინალთუნი და ხუთი შაური/ქ. ხაშურელ მუშას”.

როგორც ვხედავთ, სამგორის არხის მშენებლობაზე მუშაობდნენ სურამელი, ოსიაურელი და ხაშურელი მუშები. ხაშურელ მუშას გასამრჯელოდ მიუღია „ორი მინალთუნი და ხუთი შაური“.

ამავე პერიოდის ერთ-ერთ დოკუმენტში, კერძოდ, კოდის პურის ნუსხაში კვლავ მოიხსენიება ხაშური, რომელსაც 6 კოდი პური უნდა გამოეღო. „ვ“ (6) ქ. ხაშურმა კოდი – აღნიშნულია ნუსხაში.

1770 წლის მაისის თვით დათარიღებულ რუსებისათვის ფქვილის მიმყიდველი სოფლების სიის მიხედვით, ხაშურს ოცი ხარვარი ფქვილი უნდა მიეყიდა რუსებისათვის („ქ. ხაშურმა ფქვილი ხარვარი ოცი“).

ხაშური გვხვდება რუსულენოვან დოკუმენტებშიც. ერთ-ერთი ასეთი დოკუმენტის მიხედვით, რომელიც პოლკოვნიკ სტ. ბურნაშევის მიერ გენერალ გრ. პოტიომკინისათვის გაგზავნილ პატაკს წარმოადგენს, 1786 წლის 22 დეკემბერს, 100 ცხენოსანი ღვეკი ახალციხიდან თავს დასხმია სოფელ ხაშურს. ღვეკებს მთელი სოფელი აუწიოკებიათ და 14 კაცი გაუტაციათ. 1787 წლის 25 თებერვლით დათარიღებულ პატაკში კი აღნიშნულია, რომ სულემან ფაშამ ახალციხიდან გამოაგზავნა ხაშურში ღვეკების მიერ დატყვევებული 15 კაცი.

როგორც ამ ცნობიდან ჩანს, ხაშურისთვის XVIII საუკუნის განმავლობაში უცხო არ უნდა ყოფილიყო ღვეკების თავდასხმები. ამის დასტური უნდა იყოს აქამავე საუკუნის, კოშკის არსებობაც.

იოანე ბატონიშვილის „ქართლ-კახეთის აღწერაში“, რომელიც 1794-1799 წლებშია შექმნილი ჯერ ერეკლე მეფის, ხოლო შემდეგ გიორგი XII-ის სპეციალური დავალებით, სურამის წყლისა და მის ხეობაში არსებული სოფლების აღწერის დროს აფიქსირებს ხაშურს, როგორც მოსახლე სოფელს.

XVIII საუკუნის დამლევსა და XIX საუკუნის დამლევს ხაშურის იერსახის შესახებ მნიშვნელოვან ცნობას გვაწვდის კვლავ იოანე ბატონიშვილი თავის ენციკლოპედიურ თხზულებაში „კალმასობა“. თხზულებაში გარდა ხაშურისა, ცნობები გვხვდება ზემო ჭალისა და სურამის შესახებ. მკითხველის დაკვირვებულ თვალს კარგად შეუძლია „კალმასობის“ მიხედვით ნათლად წარმოიდგინოს XVIII ს. მიწურულის ხაშურის იერსახე. მოვიყვანო ჩვენთვის საინტერესო რამდენიმე ადგილს „კალმასობიდან“.

„კალმასობის“ მთავარი გმირი იოანე ხელაშვილი და ზურაბ დამბარაშვილი მიდიან ზემო ჭალაში აბაშიძესთან. იოანესათვის აქ ცნობილი ხდება, რომ აბაშიძეს ტყვეები ჰყავს გამხადებული გასაყიდად. მათი ბედით შეწუხებულ იოანეს ღვეკან აბაშიძე ეუბნება: „იმ ტყვეებს ერთი დიაკვანიც ეჭირებათ და მეტადრე შენისთანა მოქადაგე, რომ არღა გაათარღებია“.

იოანე ძალზე დააფიქრა ღვეკან აბაშიძის სიტყვებმა და შეშინებული ფიქრობდა: „ნუ-მე მეცა რიცხვთა შინა ტყვეთათა მითვალულ ვიქმნე“, ამიტომ იგი ეძებს გამოსავალს შექმნილი მდგომარეობიდან თავის დასაღწევად და „განიზრახა გაპარვა მუნი“. შუალამისას იოანემ შეკაზმა თავისი ცხენი, „ამხედრდა მას ზედა და დაიწყო ჭალასა მას შინა სიარული, და არა უწყოდა-თუ, სად მივალს. და უკანასკნელ იძულებული განვიდა მინდვრის კერძოდ და მიმოიხედებოდა, ნუთუ მახლობელ მისა იხილოს დაბა რაიმე შესაყრდნობელად თავისა თავისა...“

განთიადისას, აბაშიძის სასახლეში გაიგეს იოანეს გაპარვის ამბავი. ღვეკან აბაშიძის მსახური და ზურაბ დამბარაშვილი იოანეს გამოუდგნენ. იოანემ დაინახა მისკენ მომავალი ცხენოსნები. შეშინებულმა „...იხილა შორით კოშკი მაღალი ხაშურისა და მყის დაჰკრა ცხენსა მათრახი თვისი და ჭენებით წარემართა მუნ“.

იოანე ერთი გლეხის სახლში დაიმაღა. როდესაც გაირკვა, რომ მღვერები იოანეს დასაჭერად არ იყვნენ მისულნი, იგი სახლიდან გამოვიდა გარეთ. „ოდეს იხილა საშუაღს სოფელსა კოშკი და სახლნი იკითხა: ვინ ცხოვრობს აქა და პრქვეს: ხიდირბეგიშვილი!“

იოანე მიდის მამუკა ხიდირბეგიშვილთან, მასთან სადილობს და საუბრობს. შემდეგ კი მიემგზავრება სურამს.

აქ მოტანილი ნაწევებიდან კარგად ჩანს, რომ XVIII საუკუნის დამლევს ხაშური საშუალო სოფელი ყოფილა. აქ დგას მაღალი კოშკი, რომელიც შორიდანვე იქცევა მნახველის ყურადღებას. მის შორიანხლო განლაგებულია სახლები, მათ ირგვლივ კი ვადაჭიმულია მინდორი, ტრიბალი ველი, რომელიც გამოჰყოფდა ხაშურს მის მახლობლად მდებარე სოფლებიდან (ზემო ჭალა, შინდარა, გორათი).

ხაშური ქართლის ერთ-ერთ მნიშვნელოვან გზაზე მდებარეობდა. ეს გზა მდინარე სურამულას მიუყვებოდა და მისით სარგებლობდნენ, როგორც ქართლიდან დასავლეთ საქართველოში გადასასვლელად, ასევე პირიქით. ამ გზის ერთი მონაკვეთი ასე წარმოგვიდგენია: - რუისი (ურბნისი) – დირბი-ქვენა ტკოცა- მოხისი – სომანეთი – ხიდისყური – სატივე – ოსიაური – ხაშური – სურამი – ფონა.

ხაშურზე უნდა გაველო ახალციხისაკენ მიმავალ გზასაც.

„ხიდირბეგიშვილი“

ხაშური ხიდირბეგიშვილების მამული იყო. იგი სახიდირბეგიშვილოში შედიოდა. „კალმასობაში“ მოხსენიებული მამუკა ხიდირბეგიშვილი სხვა წყაროებშიც დასტურდება. როგორც ჩანს, იგი ქართლის სამეფო კარისაგან საკმაოდ დაფასებული და წარჩინებული თავადაა. ეს კარგად ჩანს გიორგი XII-ის მიერ 1799 წლის 19 ოქტომბრის ბრძანებიდან. ამ ბრძანების ძალით „...ამასთან /ვ.ი. მამუკა ხიდირბეგიშვილთან-თლ/ და ამის ყმასთან საქმე არავისა აქვს, არც ჩვენს ძმებსა და არც ჩვენს შვილებსა, ყველამ უნდა იცოდნენ. უჩვენოთ ვერც რას შეაწერენ და ვერც არასა სთხოვენ, რაც სათხოვარი იქნება, ჩვენ სახელდობრ შევაწერთ და გამოვართმევ, უჩვენოთ ამასთან და ამის ყმასთან საქმე არავის აქვს და ვერც არას შეაწერთ და ვერც არას გამოართმევთ, ყველამ ასე იცოდეს, რომ ეს სამეფო თავადაი არის...“

იოანე ბატონიშვილი ხიდირბეგიშვილების ხაშურში მოსვლას 1630 წლით ათარიღებს. იგი თავის გენეალოგიურ შრომაში „შემოკლებით აღწერა საქართველოსა შინა მცხოვრებთა თავადთა და აზნაურთა გვარებისა“ ხიდირბეგიშვილების შესახებ აღნიშნავს: „ესენი არიან გვართ ამილახვარისა გვარისანი...“

ხიდირბეგის შვილობა მიიღეს ამით, რომელ გაათარდა ამათი წინაპარი ახალციხეს დროსა დაპყრობისა თურქთაგან, და უწოდეს სახელად ხიდირბეგ და ამის გამო მიიღეს მისთა შთამომავლობათა ხიდირბეგის შვილობა. ხოლო ამა ხიდირბეგის შვილნი მოვიდნენ ქართლსა შინა სურამის ხეობის ადგილს ხაშურსა შინა და მუნ მიუბოძა მეფემან ადგილი იგი წელსა 1630-სა. და ნათელ იღეს ამით და იწოდენ გვარად ხიდირბეგის შვილებად, და არიან ზოგნი ამათნი გვარნი და შთომილნი ახალციხეს ხიდირბეგის შვილებად, თათრებად და სხვანი ქართლში მამუკას შვილებად და სხვანი კვლად ხიდირბეგის შვილებადვე“.

იოანე ბატონიშვილის მიერ ხიდირბეგიშვილების წარმომავლობის შესახებ ზემოთაღნიშნულ ისტორიულ ტრადიციას იმეორებს და ადასტურებს ე.წ. „ზედგენისძის საჩივრის წიგნი“, რომლის მიხედვითაც ზედგენისძენი, „...რომელნიც დაშთენ მესხეთ, იგინი თუმცა ამილახვარად არ იხსენიებიან გუარით, გარნა არიან თავადნი, იმერეთს მესხებად წოდებულნი და აზნაურებად. ეს სახედეე ახალციხესა შინა არიან ამილახვრის გვარისანი და ხიდირბეგისა შვილებნიცა თაავდნი ამილახვრიანი“.

ამრიგად, ისტორიული ტრადიციის მიხედვით, ხიდირბეგიშვილები ზედგენიძეთა /შემდგომში ამილახვართა/ გვარიდან გამოდიან. ზედგენიძეთა ერთი ნაწილი ახალციხის მხარეში ოსმალთა გაბატონების შემდეგ გაათარდნენ. ზედგენიძეთა სწორედ ეს ნაწილი მოიხსენიებიან ხიდირბეგიშვილებად, რადგან იმავე ტრადიციის მიხედვით ზედგენიძეთა გვარის იმ წარმომადგენელს, რომელიც გაათარდა, სახელად ხიდირბეგი უწოდეს, რომლის სახელიდანაც შემდგომ წამოვიდა ხიდირბეგიშვილების გვარი.

XVII-XVIII საუკუნეების არაერთ საბუთში დაფიქსირებულია ეს მომენტი. ასე მაგალითად:

1698 წლის სამამულო დავის გადაწყვეტის წიგნიში მურვანიშვილებთან ერთად გვხვდება ამილახორიშვილები.

1719 წელს, ზურაბ ხერხეულიძის მიერ ვახუშტი აბაშიძისათვის შინდარასა და ბეკამში მიცემული ყმების ნასყიდობის წიგნს ემორწმუნა მესხი ამოლახვრიშვილი მამუკა.

1729 წელს „ხიდირბეგიშვილმა ამილახვარმა მამუკამ“ „სურამის ბოლოს“ აღნიშნულის მამული მისცა ადამ მამაცაშვილს.

1737 წელს, თამაზ ხარატიშვილის მიერ ვახუშტი აბაშიძისათვის მიცემული მიწის ნასყიდობის წიგნს ემორწმუნა ამირახირიშვილი ხიდირბეგი.

1753 წლის მარტის დამდეგს, „ამილახვრის ხიდირბეგიშვილმა გიორგიმ“ ნასყიდობის სიგელი მისცა მარიამ ამილახვრის ქალს.

XVIII ს-ის აბაზაძეების რამდენიმე საბუთს ემორწმუნა ციხისთავი ამილახორი ხიდირბეგი. ამილახორიშვილი ხიდირბეგი.

იოანე ბატონიშვილის თანახმად, ხიდირბეგიშვილები ქართლში, კერძოდ, ხაშურში, XVII საუკუნის 30-იანი წლებიდან ჩანან. რომ, მართლაც, ამ პერიოდიდან უნდა იყვნენ მოსულნი ხაშურში ხიდირბეგიშვილები, ამაზე მივანიშნებს ორი მომენტი. ერთი ის, რომ თეიმურაზ I-ის სახელთან დაკავშირებულ „სასარდლო წიგნიში“, რომელიც როგორც ჩანს, მისი ქართლში მეფობის პერიოდში უნდა იყოს შედგენილი, ამილახორის სადროშოში ხიდირბეგიშვილები არ მოიხსენიებიან. „სასარდლო წიგნიში“ აღნიშნულია: „არის ბატონის ამილახორის დროშაზე: ბატონიშვილი გიორგი, ერთობილნი ზევდგინიანი, ფავნელიანი, მაჩაბლიანი, თუმანიანი, ბატონი მროველი, ავალიშვილი ქაიხოსრო, ბატონი ურბნელი, ხერხაულიანი, ფალავანდიანი, ბატონი მთავარეფისკოპოზი, რაც გორს ზედათ აწ სადგელოფლო არის, აწ სუეტიცხოველისა და იერუსალიმისა ერთობილნი, ამირეჯიბიანი, თვალდამწვარიანი, დიასამიძე ელიზბარ, როსტომ ქავთარაძე, ტატიანი და წერეთლის მამული, აბაშიძის მამულები, იტრიის წინამძღვარი, აბაზაძე, დამლაწაშვილი, ავალიშვილი გულბათ, ფაფინა იაღუზიშვილი“.

ამრიგად, როცა ეს დოკუმენტი იწერებოდა, ხიდირბეგიშვილები ჯერ კიდევ არ არიან გადმოსულნი ქართლში. ეს მაშინ, როდესაც თითქმის ყველა ის ცნობილი გვარი, რომლებიც ზემო ქართლის ამ რეგიონში /სურამი-ხაშური/ გვხვდება, თითქმის ყველაა დასახლებული დოკუმენტში /აბაშიძე, აბაზაძე და სხვა/. როგორც ჩანს, ხიდირბეგიშვილების ამილახორების სადროშოზე „მიწერა“ შემდგომ ხდება, რაც დასტურდება სწორედ მომდევნო პერიოდის დოკუმენტებიდან.

აღექსანდრე ამილახვარი „გეორგიანულ ისტორიაში“ აღნიშნავს, რომ „ზემო ქართლი შეადგენს სამფლობელოს ამილახვრებისა და თავადთა გვარებისა. სახელდობრ: 1. აბაშიძეებისა, 2. ფალავანდიშვილებისა, 3. ხერხეულიძეებისა, 4. დავითიშვილებისა, 5. ამირეჯიბებისა, 6. ავალიშვილებისა, 7. ხიდირბეგიშვილებისა, 8. ჩხეიძეებისა, 9. დიასამიძეებისა, 10. სიამარდიშვილებისა, 11. თაქთაქიშვილებისა, 12. შალიკაშვილებისა, 13. მაჩაბლებისა“.

ხიდირბეგიშვილებს იცნობს ი. ა. გულდენშტედტიც, რომელიც ქართლის თავადთა გვარების ჩამოთვლის დროს მოიხსენიებს მას.

XVII საუკუნეში, განსაკუთრებით კი XVIII საუკუნეში, ისტორიულ დოკუმენტებში ხშირად მოიხსენიებიან ხიდირბეგიშვილები. დასტურდება ხიდირბეგიშვილების სათავადოც, ე.წ. „სახიდირბეგიშვილო“. ხიდირბეგიშვილებს მამულები გააჩნიათ ძირითადად ხაშურისა და სურამის შემოგარენში, აგრეთვე დღევანდელი ხაშურის რაიონის ზოგიერთ სოფელშიც.

თავაზ ლასაბიძე

(გაგრძელება შევლავ ნომერში)



გვირგვინით შეამკეს საქართველოს ტერიტორიული მთლიანობისთვის გამართულ ბრძოლებში დაღუპულ გმირთა მემორიალი

სოსუმის დაცემის 27 წლისთავთან დაკავშირებით და აფხაზეთის ომში დაღუპულთა ხსოვნის პატივის მიგების მიზნით, ხაშურის მუნიციპალიტეტის მერმა გიორგი გურასპაშვილმა, მერიის პირველმა მოადგილემ ზვიად ქურდაძემ, მერიის კულტურის სამსახურის უფროსმა კონსტანტინე ფრუიძემ და მერიის სამხედრო აღრიცხვისა და გაწვევის სამსახურის ხელმძღვანელმა მიხეილ ბარბაქაძემ, საქართველოს ტერიტორიული მთლიანობისთვის გამართულ ბრძოლებში დაღუპულ გმირთა მემორიალი გვირგვინით შეამკეს.

აფხაზეთში სამხედრო დაპირისპირება 13 თვეს და 13 დღეს გაგრძელდა, რაც 1993 წლის 27 სექტემბერს, სოსუმის დაცვით დასრულდა.

სურამში, ჭონქაძის ქუჩის რეაბილიტაცია დასრულდა

პროექტის ფარგლებში, დაიგო ასფალტის ორი ფენა, მოეწყო სანიაღვრე არხები, დაიხაზა საგზაო მონიშვნები.

ჭონქაძის ქუჩის მოწობის სამუშაოები 596 371 ლარს შეადგენს და ადგილობრივი ბიუჯეტისა და ცენტრალური მთავრობის თანადაფინანსებით ხორციელდება.

ჭონქაძის ქუჩა მკიდროდა დასახლებული, შესაბამისად, განხორციელებული პროექტი 400-ზე მეტ ადგილობრივსა თუ დამსვენებელს გაუუმჯობესებს საყოფაცხოვრებო პირობებს.

დაბა სურამში, ჭონქაძის ქუჩის რეაბილიტაცია ხელს შეუწყობს მუნიციპალიტეტში ტურიზმის განვითარებასაც.



- ფეხბურთი -

«დურუს თასი - 2020» დასრულდა

ფინალურ შეხვედრაში ერთმანეთს „გომი“ და „გალაქტიკო“ დაუპირისპირდნენ. შეხვედრა ხაშურის „გალაქტიკომ“ ანგარიშით 9:2 მოიგო და „დურუს“ გარდამავალ თასს დაეუფლა.



მესამე ადგილისთვის მატჩი „ოლდ სტარსა“ და „კლასტერს“ შორის გაიმართა და „ოლდ სტარსი“ გამარჯვებით (5:2) დასრულდა.

გამარჯვებულებს პრიზები და შესაბამისი სინჯის მედლები გადასცეს ხაშურის მუნიციპალიტეტის მერმა გიორგი გურასპაშვილმა, მერიის განათლების, კულტურისა და სპორტის სამსახურის წარმომადგენლებმა და ვეტერანმა სპორტსმენებმა.



დაჯილდოვდა ტურნირის საუკეთესო მეკარე თემურ ცაცანაშვილი („გალაქტიკო“), რომელსაც პრიზი საქართველოს ნაკრების ვეტერანმა მეკარემ ირაკლი ზოიძემ გადასცა. ტურნირის საუკეთესო მოთამაშის პრიზი კი „გალაქტიკოს“ ფეხბურთელმა გოგა ლურსმანაშვილმა საქართველოს ნაკრების ვეტერანი ფეხბურთელის - მამუკა მაჭავარიანისგან მიიღო. დურუს გარდამავალი თასი „გალაქტიკოს“ ფეხბურთელებს თენგიზ გონიაშვილმა - გარდაცვლილი ახალგაზრდის - დავით გონიაშვილის (დურუ) მამამ გადასცა.

პირველკურსელთა საყურადღებოდ!

ხაშურის მუნიციპალიტეტის მერია გეგმავს ხაშურის მუნიციპალიტეტის ტერიტორიაზე მცხოვრები იმ სტუდენტების დაჯილდოებას, რომლებმაც 2020 წელს წარმატებით ჩააბარეს ერთიანი ეროვნული გამოცდები და მიიღეს 100%-იანი გრანტი (არ იგულისხმება უფასო ფაკულტეტები და ჩაბარების შემდგომ მოპოვებული შიდა გრანტი).

აღნიშნული კატეგორიის პირებს გთხოვთ, წარმოადგინოთ შემდეგი დოკუმენტაცია:

პირადობის მოწმობის ასლი;

შეფასებისა და გამოცდების ეროვნული ცენტრის მიერ გაცემული ცნობა 100%-იანი სახელმწიფო გრანტის მოპოვების შესახებ;

საბანკო რეკვიზიტები.

დოკუმენტები მიიღება ხაშურის მუნიციპალიტეტის მერიის განათლების, კულტურის და სპორტის სამსახურში.

საკონტაქტო პირი: ბესიკ გაჩეჩილაძე
საკონტაქტო ნომერი: 591057369; (0368) 24-24-56

საქართველოს პარლამენტის არჩევნებში მონაწილე პარტიების საყურადღებოდ!

„საქართველოს საარჩევნო კოდექსის“ და ასევე, საქართველოს კომუნიკაციების ეროვნული კომისიის დადგენილებების (2012 წლის 15 აგვისტო) შესაბამისად, 26 ოქტომბრის ჩათვლით, წინასაარჩევნო აგიტაციისა და წინასაარჩევნო რეკლამის განთავსებისთვის, გაზეთში „ხაშურის მოამბე“ გამოყოფილია ფართობი. კერძოდ: ფასიანი რეკლამისათვის გამოყოფილია გაზეთის მე-4 გვერდი (988სმ²), უფასო რეკლამისათვის კი

გაზეთის მე-5 გვერდის ნახევარი (494სმ²).

ფასიანი რეკლამის შემთხვევაში, ერთი კვადრატული სანტიმეტრის ღირებულება შეადგენს 15 თეთრს (ერთი გვერდი – 148 ლარი).

A3 და A4 ფორმატის ჩანართის შემთხვევაში (თუ ჩანართი გამზადებული სახით მოაქვს დამკვეთს და რედაქცია მხოლოდ ქსელში გაგრძელების ვალდებულებას კისრულობს) კვადრატული სანტიმეტრის ფასია 10 თეთრი, ანუ A3 ფორმატის შემთხვევაში – 98 ლარი და 80 თეთრი, A4 ფორმატის შემთხვევაში – 49 ლარი და 40 თეთრი.

რედაქცია

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე.

მისამართი: ხაშური, ტაბიძის ქუჩა №2. ტელეფონი: 24 30 27.

E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.

მ-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.